

Na osnovu člana 16. Stav 2. Zakona o Vladi Zeničko-dobojskog kantona-Prečišćen tekst („Službene novine Zeničko-dobojskog kantona“ broj 7/10)) i Programa utroška sredstava planiranih Budžetom Zeničko-dobojskog kantona za 2013. godinu, Ministarstva za rad, socijalnu politiku i izbjeglice broj: 02-14-4034/13 od 14.02.2013. godine, na prijedlog Ministarstva za rad, socijalnu politiku i izbjeglice, Vlada Zeničko-dobojskog kantona na 122. sjednici održanoj dana 30.08.2013. godine, d o n o s i

ODLUKA

Član 1. (Predmet)

Odobravaju se Općini Maglaj, sredstva u iznosu od 40.000,00 KM (slovima: četrdeset hiljada konvertibilnih maraka) kao pomoć za finansiranje rekonstrukcije lokalnog puta Novi Šeher-Crni Vrh-Tešanj, a sa ciljem stvaranja uvjeta za održiv povratak na ovo područje.

Član 2. (Analitička konta)

Sredstva iz člana 1. ove odluke isplatit će se iz Budžeta Zeničko-dobojskog kantona („Službene novine Zeničko-dobojskog kantona“ broj 19/12), razdjel 20, budžetska organizacija 01, potrošačka jedinica 0001, ekonomski kod 614200, subanalitika KAD 202, pozicija Budžeta: „Sredstva za podsticaj povratka izbjeglih i raseljenih lica.”

Član 3. (Uplata sredstava)

(1) Navedena sredstva iz člana 1. ove odluke isplatit će se na račun općine Maglaj broj: 1990460003251634, otvoren kod Sparkasse bank Maglaj, sa naznakom Svrha uplate: „Pomoć za finansiranje rekonstrukcije lokalnog puta Novi Šeher-Crni Vrh-Tešanj ”.

(2) Uplata sredstva će se izvršiti nakon potpisivanja Ugovora o sufinansiranju realizacije projekta „Rekonstrukcija lokalnog puta Novi Šeher-Crni Vrh-Tešanj“, u dvije tranše, a uzimajući u obzir izvršenje priliva sredstava u Budžet Zeničko-dobojskog kantona.

Član 4. (Provođenje Odluke)

Zadužuju se Ministarstvo za rad, socijalnu politiku i izbjeglice, Ministarstvo finansija i Općina Maglaj da u skladu sa zakonom i podzakonskim aktima realizuju ovu odluku, svako u okviru svojih nadležnosti.

Član 5. (Izvršavanje)

Obavezuje se Općina Maglaj da Ministarstvu za rad, socijalnu politiku i izbjeglice dostavi izvještaj o namjenskom utrošku sredstava.

Član 6.
(Stupanje na snagu)

Odluka stupa na snagu danom donošenja, i biti će objavljena u „Službenim novinama Zeničko-dobojskog kantona”.

Broj: 02-_____ /13.

Datum, 30.08.2013. godine

Z e n i c a

PREMIJER

DOSTAVLJENO:

1x Ministarstvo za rad, socijalnu politiku i izbjeglice,
1x Ministarstvo finansija,
1x Općina Maglaj (putem ministarstva),
1x “Službene novine Zeničko-dobojskog kantona”,
1x a/a.

Munib Husejnagić, dipl.ing.maš.